


AWEMainta

E DIFERENCIA DEN NOTICIA

CAFT TA CONSEHA PA URG PERO NO TIN MEDIDANAN FORMAL PA ARUBA



EDITORIAL

3

**E ROL DI PUBLICO DEN MANTENE
MEDIA Y GOBIERNO SKERPI**

OPINION PUBLICO

4

**REACCION RIBA ARTICULO
"ARUBA TIN TURISTA,
PERO UNDA E PLACA TA KEDA?"**

**C'UN CEREMONIA OFICIAL DI
PREMIO P'E MONARCA Y FINALISTANAN
AEROPUERTO DI ARUBA TA
CELEBRA CARNAVAL 71**

22



Payroll Pro
HRM

WWW.PAYROLLPROHRM.COM



WHY PAYROLL PRO BEATS THE REST

THE MOST TRUSTED, ALL-IN-ONE HRM & PAYROLL SOFTWARE

OFFICIAL DISTRIBUTOR

VCC REAL SOFTWARE
International NV REAL SUPPORT
www.vcc-int.com

+297 583-7072

CAft ta conseha pa urgi

Pero no tin medidanan formal pa Aruba



E discusion riba e presupuesto di Aruba pa 2025 a hiba na diferente interpretacion y speculacion. Algun informe ta sugeri cu un ‘Aanwijzing’/ Decreto Real (KB) ta na caminda y cu Hulanda ta preparando pa tuma medidanan obligatorio. Sinembargo, un analisis cuidadoso di e documentonan disponibel ta muestra cu e conclusionnan ey no ta corecto.

Recientemente, College Aruba financieel toezicht (CAft) a manda un mensahe na Rijksministerraad (RMR) den cual nan ta constata cu Aruba ainda no a entrega un presupuesto fiho pa 2025. Aunke esaki ta un situacion preocupante, teniendo cuenta cu e importancia di un presupuesto aproba na tempo pa un maneho financiero responsabel, e mensahe no ta contene indicacion pa sancion of intervencion directo di Hulanda.

Loke si ta sali for di e mensahe ta cu CAft ta pidi RMR pa urgi (aansporen) Aruba pa aproba e presupuesto mas tarda 31 di maart 2025. Aki ta esencial pa defini e termino “urgj” cu exactitud.

Segun Van Dale, esaki ta nifica: *“anima of apela na un persona pa haci algo, sin obligacion of sancion”*. Esaki ta implica cu no tin un decision obligatorio of intervencion formal, sino mas bien un recomendacion urgente na Aruba pa aproba e presupuesto na tempo.

Pa aclara, e mensahe ta contene e siguiente formulacion:

• **Citaat 1:** *“Het College adviseert de Rijksministerraad om Aruba aan te sporen de begroting uiterlijk 31 maart vast te stellen.”* → *“E CAft ta conseha Rijksministerraad pa urgi*

Aruba pa aproba e presupuesto mas tarda 31 di maart.”

E citacion aki ta aclara cu Aruba ta wordo pidi pa tuma accion, pero cu no tin sancion of consecucionan directo mara na dje.

Ademas, RMR ta declara explicitamente:

• **Citaat 2:** *“Het bericht van het College omvat geen advies aan de Rijksministerraad tot het geven van een aanwijzing en biedt derhalve geen mogelijkheid tot besluitvorming in de Rijksministerraad.”* → *“E mensahe di e CAft no ta inclui conseho na RMR pa duna un instruccion y p’esey no ta ofrece posibilidad pa tuma decision den Rijksministerraad.”*

E formulacion aki ta enfatisa cu CAft no a conseha pa tuma medidanan obligatorio y cu p’esey no tin un proceso di toma di decision den RMR cu por hiba na sancion of medidanan obligatorio.

Aunke e falta di un presupuesto fiho pa 2025 ta un punto di preocupacion y ta exige accion, e documentacion oficial ta muestra cu n’e momento aki no tin medidanan formal tuma contra Aruba. En bes di esey, CAft ta enfatisa e urgencia di un aprobacion di presupuesto rapido, mas tarda 31 di maart y ta pidi urgentemente e gobierno di Aruba pa tuma su responsabilidad den esaki.

Fuente:

- *Besluitenlijst van de Rijksministerraad, 21 februari 2025*
- *Rijksoverheid.nl*
- *Dossierkoninkrijksrelaties.nl*